


古今医案按選



古今醫案按選卷三

嘉善俞 震東扶輯

杭州王士雄孟英選

定州楊照黎素園評

會稽董金鑑鏡吾校

瘡

呂元膺治一僧案。

丹溪治一中年男子案。

又治一五十餘歲嗜酒吐血舌不能言案。



俞按三條皆治舌瘡。非喉瘡也。首條化痰通竅是實證。次條傷寒五七日神昏而瘡。豈無實熱證。用大黃黃連石膏者耶。而猥云作體虛有痰治也。魏注云。恐熱傳少陰心經。此案未可爲訓。極是。但細讀之。案中不載舌乾苔黑便秘煩躁等證。則所謂神昏者。身熱人靜而默默耳。豈必有欲言不能言之狀也。其脈必濡滑無力也。參耆朮服之數日。病無進退。卽可知其對證。觀於十二日舌始語得一字。又半月而舌能言。熱乃退。全繪一虛證情形矣。凡遇傷寒舌瘡者。宜以

此條尋繹之。勿竟以陶氏熱傳手少陰心經。龍侗爲治。第三條吐血後不食。舌不能言。是虛證無疑矣。渴飲水。脈帶數。不與滋陰。而與參朮。見識豈不高哉。又治一人遺精後失音案。

一男子年近五十。久病痰嗽。忽一日感風寒。食酒肉。遂厥氣走喉。病暴瘖。與灸足陽明別之豐隆二穴各三壯。足少陰照海穴各一壯。其聲立出。信哉聖經之言也。仍以黃芩降火爲君。杏仁陳皮桔梗瀉厥氣爲臣。訶子瀉逆。甘草和元氣爲佐。服之良愈。

一鄉人力田辛苦。復飢甚。飲食驟飽。倦臥半晌。醒後忽瘖啞不言。如是者二旬餘矣。高鼓峯診曰。勞倦傷脾。飢飽傷胃。陽明之氣遏而不升。津液不行。賁門壅滯。故語言不能出也。以補中益氣湯。十大劑。與之。偶午睡覺。通身汗下。言語如常。

雄按脾足太陰之脈。連舌本。當云飢飽傷胃。賁門壅滯。勞倦傷脾。脾氣陷而不升。不能爲胃行其津液。故語言不能出。補中益氣。升舉脾陽。則津液行而汗出。周身瘖亦遂愈也。

張路玉治王惟一案

俞按此四條皆是喉瘡。而治法各異。其異處仍合於古訓。切於病情。故能取效。若今人之用叫子蘆衣等物。雖若新奇。而與病無涉。效何由得。

欬嗽

李士材治史明舜。經年欬嗽。歷治無效。自謂必成虛勞。李曰不然。脈不數不虛。惟右寸浮大而滑。是風痰未解。必多服酸收。故久而彌盛。用麻黃杏仁半夏前胡桔梗甘草橘紅蘇子。五劑止。十劑全愈。

孫東宿治許卓峯多酒多怒人也。上吐血。下溲血。欬嗽聲啞。醫皆以爲瘵。孫診其脈。左關弦大。右寸下半指。纍纍如薏珠。乃曰。此有餘證也。病由嗜酒。酒屬溼熱。助火生痰。火性炎上。迫肺不降。積而生痰。壅於肺竅。以致失音。此痰壅之啞。非肺痿之啞也。性又善怒。怒氣傷肝。故血妄行而不歸經。以致吐血。溺血。法宜清熱開鬱。化痰導血歸源。若滋陰之藥。反助其塞而益其熱。聲音何由而開。況血隨氣行。氣不清。血又何得歸原哉。雄按此與承溪之論錯經妄行。可以互相發明。乃用滑石青蒿解酒熱爲君。貝母鬱金梔

子香附開鬱爲臣。杏仁桔梗丹皮丹參小薊甘草化痰
清血爲佐。服十帖。血果止。又以貝母一兩。童便浸
爲末。柿霜等分。時時抵舌上化下。五日而聲音爽矣。
張路玉治吳佩玉次女案。

俞按張公此論。曲盡時醫醜態。然謂表藥必兼桑皮
芩粉。血證必用犀角地黃。恐不致眾人皆醉如此。至
於病隨藥變。實有其事。所以古有不服藥爲中醫之
說。若欲見病知源。投藥輒效。隨其寒熱虛實。應以溫
涼補瀉。不執一法。不膠一例。變化生心。進退合轍者。

其惟丹溪乎。丹溪則藥隨病變。病隨藥愈。甯有病隨藥變。藥爲病困之理哉。臨證指南。欬嗽門方法大備。溫涼補瀉皆全。而輕鬆靈巧處。與丹溪未易軒輊也。

喘

孫文垣治凌繹泉。年已古稀。原有痰火之疾。正月初旬。因勞感冒。內熱欬嗽。痰中大半是血。鼻流清水。舌苔焦黃。芒刺。語言強硬不清。二便不利。喘急礙臥。亦不能仰。以高枕安桌。日惟額伏枕上而已。醫治半月不效。孫診之。兩手脈浮而洪。兩關脈滑。大力知其內有積熱。痰

火爲風邪所閉。復爲怒氣所加。故血上逆。議者以高年見紅。脈大發熱爲懼。孫曰。此有餘證。諸公認爲陰虛。而用滋陰降火。故不瘳。法當先驅中焦痰火積熱。後以地黃補血等劑收功可也。乃以括婁石膏各三錢。半夏麴橘紅桑皮前胡杏仁酒芩蘇子水煎。沖蘆根汁一杯。一劑而血止。次日診之。脈仍浮而洪大。尙惡寒。此因先時不解表。竟用滋陰。又加童溺降下太速。以致風寒鬱而不散。故熱愈甚也。改以定喘湯。一劑而喘減。二劑而熱退。不惡寒。再診之。兩手浮象已無。惟兩關脈鼓指。此中

焦痰積膠固。不可不因其時而疏導之。以清中丸同當
歸龍薈丸共二錢進之。其夜下稠粘穢積甚多。余憶丹
溪有云。凡哮喘火盛者。白虎加黃連有功。正此證對腔
法也。與十劑外。以清中丸同雙玉丸夜服。調理而安。
俞按此人以富貴之體。古稀之年。不能臥又半月之
久。亦甚危矣。乃竟用消痰發表清火行滯重劑收功。
可見病無一定之局。祇恐棄活著而走死著。又防活
著認得不清。必以半攻半補不攻不補爲持重之法。
仍是死著也。



張路玉治孫起伯肺脹案。

又治一尼案。

俞按此方加減最巧。上案用七氣湯成方亦巧。觀其論脈溯因而細心體貼之。乃知其巧。

繆松心治嘉善范某哮喘已久。向服金匱腎氣。時效時不效。繆曰。伏飲內踞有年。明是陽衰濁泛。但綿延日久。五旬外痰中雜以血點。陰分亦漸損傷。偏剛偏柔。用藥兩難措置。仿金水六君煎意。用熟地炭四錢。當歸炭青鹽製陳皮各一錢。茯苓淡菜漂杏仁去皮尖。鹽水炒各

三錢。炙草四分。川貝一錢五分。半月後復診。晨用金匱
腎氣丸以治本。晚用苓桂朮甘加味以治標。生於朮米
泔浸切片曬。茯苓鹿脊骨用麻黃四錢煎湯炙。各三兩。
粗桂木曬八錢。半夏炒二兩。炙草六錢。杏仁霜一兩。
錢北細辛三錢。曬水泛丸。此證向來背脊惡寒。甚則哮
發。服此方而畏寒除。隔三年忽起淋濁。莖中脹痛。繆曰。
此新病。以瀉丙出壬爲正治。但素有痰飲。滋膩之品。傷
陽助溼。究非所宜。當變法治。庶與本證無礙。羊脊骨五
錢。小木通一錢。鹽水炒黃檗三分。赤白茯苓各一錢半。

甘草梢水飛辰砂調各五分。三劑淋濁卽愈。半年後改定丸方。曰飲踞中焦。歷年已久。前主溫煦太陽寒水之臟。與病機極合。用藥可無事更張。第溺管有精淋。由來已非旦夕。雖云腎氣不堅所致。其降多而升少。亦非所宜。雄按然則前云三劑卽愈者。雖愈而未全愈也。未必不是多服桂附所致。今造一方以兼顧之。嫩毛鹿角鎊二兩。羊脊骨炙黃打碎。生菟絲子曬生於朮米泔水浸曬乾。茯苓曬各三兩。北細辛曬蜜炙。麻黃各三錢。生黃耆皮曬杏仁霜炒黃半。夏各一兩五錢。粗桂木七錢。曬炙黑。甘草五錢。橘紅一兩。曬爲末。用

薏苡仁煮漿糊丸。後隔數年。已六旬餘。換丸方。用熟地
水。煮四兩。歸身嫩毛鹿角澤瀉炒半夏炒黃各一兩五
錢。茯苓生白朮米泔浸曬乾羊脊骨炙黃打碎杏仁霜
各三兩。橘紅曬一兩。炙甘草五錢。熟附子七錢。懷牛
膝一兩四錢。生左蠃研細水飛二兩。北細辛曬三錢。蛤
蚧兩對。去頭足炙爲末。薏仁煮漿搗丸。

俞按所用諸方。攝納腎陽。溫通督脈。疏刷肺氣。開豁
濁痰。標本悉能照顧。巧更極矣。宜乎服之而宿疾全
瘳也。

雄按哮喘屬虛寒
者可仿此案設法。

喘脹

羅謙甫治一貴婦年踰五十喘案。

程明佑治張丙案。

王中陽治富翁喘而囊脘腫案。江選列痰門

俞按喘而兼脹。病勢亟矣。必非輕劑所能治。此三條是實證治法。若虛寒證。當重用桂附。如天真丸黑錫丹金液丹之類。皆可類推。不得以五子五皮沈香椒目等爲穩當法也。

腫脹



俞東扶曰。千金方云。凡水病。忌腹上出水。出水者一月死。故水分穴可灸。不可鍼。惟水溝穴可鍼也。而今有專門治腫脹者。用銅管子從臍下刺入。出水如射。頃刻盈缶。腹脹卽消。以此水露一夜。明晨視之。浮面者是清水。中央者是淡血。沈底者是脂膏。蓋病者清濁不分。氣血皆變爲水。決而出之。去水卽去其氣血也。雖一時暫快。或半月。或一月。腫脹仍作。再鍼之亦死。不鍼之亦死矣。孫真人之言。預知有此詭術耳。

楊曰。曾親見一人如此而死。